

說文引經考異

說文引經攷異卷四

丹徒柳榮宗謨

尙書

率籲衆慼

頁部籲呼也从頁籥聲商書曰率籲衆戚今盤庚戚作
慼僞傳云籲和也率和衆憂之人出正直之言段玉
裁云自我王來至底綏四方皆衆之矢言也許所據
慼爲戚訓籲爲呼謂不通有居之民率呼召其衆戚
黨出誓言也尙書本作戚僞傳以戚爲憂後人據其
訓加心作慼耳

若顛木之有由槩

木部𣎵伐木餘也从木𣎵聲商書曰若顛木之有𣎵𣎵

又𣎵云𣎵或从木𣎵聲又吊云古文𣎵从木無頭又

𣎵云亦古文𣎵弓部引含上聲𣎵木生條也从弓由聲商

書曰若顛木之有𣎵𣎵古文言由𣎵𣎵字又作𣎵今

本作由𣎵釋文云本又作𣎵馬云顛木而肄生曰𣎵

則馬本尙書與許書弓部古文言由𣎵合𣎵下引作

𣎵𣎵者今文尙書也𣎵則今文又作字也吊𣎵則古

文尙書字又作𣎵者許書𣎵下無其篆疑卽𣎵之譌

體言木旣伐而顛矣而猶有生條於其所伐之餘者

𣎵者正字由者省假字許書無由字蓋脫之吊爲象形字𣎵𣎵

諧聲字𣎵諧𣎵聲也許書羊部𣎵下曰小羊也从羊大聲讀如達又𣎵云𣎵或省𣎵

蓋古文牽梓从木
从𠂔是諧牽聲也

王播告之

言部譚敷也

敷隸作敷

从言番聲商書曰王譚告之今本譚

从手釋文云播波餓反不言馬鄭作某則作譚者今
文尙書也許書手部云播種也一曰布也从手番聲
播字後一義與譚義合是其字通也

今女聒聒

心部慙善自用之意也从心鉛聲商書曰今女慙慙

音鉛

聒从昏許書口部昏下曰塞口也从口
𠂔省聲隸變从昏之字作𠂔𠂔音厥

又聒云古文

从耳今本作聒聒釋文云聒聒馬及說文皆云拒善

自用之意

據此今本說文
注善上脫拒字

案許書耳部聒下曰聒言

也驪當作謹

从耳昏聲則慙聒音同義異據釋文出聒聒

字下卽引馬及說文不言馬許作某某是釋文本作聒聒故不言馬許作也則僞孔本不作聒聒矣書疏引鄭注云聒讀如聒耳之聒聒聒難告之貌是鄭本亦作聒聒故以聒擬其音若作聒不須言讀如也且聒本聒耳字卽擬讀不得又用本字自改古文者以聒爲聒因之改釋文改書疏而諸書幾不可通許引作慙者今文尙書云聒古文从耳者則孔氏也

予亦拙謀

火部烱火不光也

今本脫不字類篇引有之

从火出聲而書曰予亦

烱謀讀若巧拙之拙今書烱作拙僞傳云我不威脅

汝徒是我拙謀成汝過釋文止云拙之劣反則許所引亦今文也此正承上予若觀火言鄭注周禮夏官司燿云燿讀如予若觀火之觀今燕俗名湯熱爲觀則觀火卽熱火與是觀不作觀視解矣言予如熱火然予亦不用其光言無赫赫之威也當以予亦燂斷句謀作乃逸者言圖謀爲汝安居耳今文說蓋如此

相時儉民

心部慙疾利口也从心从冊詩曰相時慙民案詩無此文集韻引說文作商書相時慙民據立政兩言儉人釋文出儉字云息廉反徐七漸反本又作慙同是慙爲儉之異文相時慙民卽盤庚之相時儉民也今本

作詩曰者字之誤集韻所據是也釋文於立政引馬
注云儉利佞人也於此引馬注云儉利小小見事之
人也馬本亦作儉許所據作慙以立政儉人作慙人
例之則慙亦古文也許於儉字注云詖也儉利于上
佞人也與慙義近而下不引書辭是許所據古文儉
皆爲慙也熹平石經作散民段玉裁因謂慙不當音
息廉切當从刪省聲讀若刪古文作慙今文作散異
字同音案如段說於馬本作儉又何說焉則慙仍當
舊音今文作散聲之轉耳

西伯既戡黎

邑部舊殷諸侯國在上黨東北从邑勑聲勑古文利商

書曰西伯戡黎戈部戎殺也从戈今聲商書曰西伯
既戎黎今書作戡黎許引作戡黎者古文尙書作戎
黎者今文尙書也黎今文又作耆困學紀聞云大傳
以西伯戡黎爲戎耆書疏云伏生書傳云文王受命
五年伐耆耆卽黎也史記用今文其字又作飢殷本
紀云西伯伐飢國滅之徐廣曰飢一作耆此又今文
尙書之異者周本紀則云敗耆國書釋文云黎尙書
大傳作耆戡說文作戎以此戡爲刺音竹甚反戈部
也从戈據紀聞則大傳作戎耆而陸於耆引大傳於
戎引說文者互引見義明大傳作戎耆說文又作戎
黎也釋詁云堪勝也郭璞注書曰西伯堪黎字又作

堪堪與戡或古通用君夷惟我二人弗戡顧命戡定
厥功以戡爲堪左氏昭二十一年傳王心弗堪漢書
五行志引作王心弗戡孟康注云古堪字以或爲堪
是古字通也

大命不摯

女部摯至也从女執聲周書曰大命不摯一曰虞書雉
摯此引西伯戡黎文周當爲商之誤今本摯作摯釋
文云摯本又作摯陸所見又作本與許合其云虞書
雉摯卽堯典一死贊也贊本俗字堯典釋文云本又
作摯史記集解引鄭注云摯之言至所以自致是摯
摯義同一曰虞書雉摯謂堯典之摯有假摯爲之者

猶忼篆下一曰易忼龍有悔之比

祖伊反

𠂔部返還也从𠂔反反亦聲商書曰祖甲返此亦西伯
戡黎文甲當爲伊今書返作反案許書又部反下曰
覆也从又𠂔音與返義別返篆下有𠂔字云春秋傳
返从𠂔所云春秋傳謂左氏也今左氏𠂔皆作反後
之人日趨簡便古文亾而形聲與義亦隨之而亾矣

我興受其敗

𠂔部退敗也从𠂔貝聲周書曰我興受其退此商書微
子篇文周亦當作商今書退爲敗支部賁下曰毀也
从支貝聲退敗音義同

尙桓桓

犬部桓犬行也从犬亘聲尙書曰尙桓桓今周書牧誓
桓作桓案釋訓云桓桓威也周頌桓云桓桓武王箋
云桓桓有威武之武王魯頌泮水桓桓于征傳云桓
桓威武貌字皆作桓許書木部桓下曰亭郵表也从
木亘聲古者郵亭立木爲表交木於其箭謂之華表
表雙立爲桓則桓有巍然建樹之義故疊言之爲威
武貌桓桓正字桓桓假借字也

鯀陞洪水

土部壘突也从土西聲

同隸作西

商書曰鯀陞洪水又隲云

南古 陞或从阜

自隸作阜

又陞云古文陞如此案作

聖者今文尙書陋爲今文或作字塋則古文尙書也
今洪範作陘旣从阜又从土非字體也

𡗗倫攸斃

𡗗部𡗗敗也从𡗗𡗗聲商書曰𡗗倫攸𡗗今本作斃許
書支部斃下曰解也从支𡗗聲解與敗義相近

無有作好

女部𡗗人姓也从女丑聲商書曰無有作𡗗今本𡗗作
好段玉裁云此引經說假借也𡗗本訓人姓好惡自
有正字而古文假𡗗爲好此以見古之假借不必本
無其字是爲同聲通用之羣端矣𡗗古音讀如𡗗好
古音讀如朽故尙書假𡗗爲好也

· 七稽疑

卜部𠂔𠂔以問疑也从口卜讀與稽同書曰𠂔疑今本
𠂔作稽案許書禾部禾音稽稽下曰畱止也从尤从旨
禾聲引伸之義爲攷與𠂔義相近𠂔蓋今文也

曰驛

口部口音

圍同行也从口𠂔聲尙書曰圍句圍返升雲

半有半無讀若驛案洪範云曰雨曰霽曰蒙曰驛曰
克鄭注周禮太卜引作曰雨曰濟曰圍曰蠱曰剋則
曰圍卽曰驛許所云蓋古文說言兆體如是也書疏
於此節前依傳義總釋經云卜兆有五曰雨兆如雨
下也曰霽兆如雨止也曰蒙兆氣蒙闇也曰圍兆氣

落驛不連屬也曰克兆相交也

此全述傳文

後釋傳云說

文云霽雨止也霽如雨止則雨似雨下霽聲近蒙故

以霽爲兆蒙是陰闇也圍卽驛也故以爲兆氣落驛

不連屬雨霽既相對則蒙驛亦相對故驛

當作

爲落

驛不連屬則霽爲氣連蒙闇也王肅云圍霍驛消滅

如雲陰霽地氣發天不應闇冥也其意如孔言鄭元

以圍爲明言色澤光明也霽者氣不澤鬱鬱冥冥也

自以明闇相對異於孔也據疏前釋經文曰蒙曰驛

作曰霽曰圍後釋傳云霽聲近蒙云圍卽驛也下引

鄭王注皆作霽圍且先圍後霽是鄭王尙書曰圍俱

在曰霽之上而僞傳經文作曰霽曰圍也李善注文

選三國名臣序贊引孔安國尚書傳曰雩陰氣也蒙
作雩則驛作圍可知此又一證也雩卽霧字許書雨
部霰下曰地氣發天不應从雨攷聲字霧俗又雩云籀
文霰省故史記宋世家述洪範作曰雨曰濟曰涕涕
曰霧曰克霧與雩一字也鄭作螽者假借字史記圍
作涕者今文尚書字詩齊風載馳齊子豈弟箋云豈
弟猶言發夕也豈讀當爲闔古文尚書以弟爲圍圍
明也此鄭引洪範明弟卽圍字謂今文曰弟古文作
日圍也詩疏弟作涕史記之涕蓋涕之誤耳

曰貞曰悔

卜部卦易卦之上體也商書曰貞曰貞从卜每聲今本

卦作悔案易內卦爲貞外卦爲卦貞既从卜則卦不當从心許書心部悔下曰悔恨也从心每聲與卦義無涉釋文不爲悔字音義是馬鄭本俱作悔史記宋世家述此經亦作悔集解引鄭注云內卦曰貞貞正也外卦曰悔悔之言晦也晦終也是可證鄭本作悔蓋古文同音假借字許所引疑亦今文也

庶草蕃廡

林部森豐也从林爽或說規模字从大卅數之積也林者木之多也卅與庶同意許言森上从爽必有取義有說規模之模从大卅爲數之積者則爽讀爲模而義卽見矣卅者四十并也廣韻音先立反蓋模爲法數亦爲法故爽从大積數取義漢書韋元成傳其規模可見模卽模字其字从無無卽森之隸變也此可證爽爲模字矣下云林者

木之多也者此許下已說故言者以別之言森之从
林取木多之意上从爽取衆意耳故又云冊與庶同
意許說本自明瞭段玉裁於商書曰庶草繇無草當
此注增刪改竄反不可通

今本作蕃廡案許書糸部繇下曰馬髦飾也从糸每

聲春秋傳曰可以稱旌繇乎

左氏哀二十三年傳文

詳許義謂

於馬鬣上結絲條下垂爲飾故引伸爲繇多之義艸

部蕃下曰艸多也从艸番聲則蕃爲正字繇其通用

字史記宋世家述此經作庶草繁廡與許所引合蓋

今文尙書也隸變繫作無又借爲有森字而蕃無字

遂以廡廡字爲之

許書广部廡下曰堂下廡廡屋从广無聲本音武釋文音廡無反

引徐莫柱

釋詁苞蕪茂豐也則以蕪蔑字爲之

許書艸部

蕪蔑也从艸無聲

展轉變易字之本義凶矣

王有疾弗豫

心部念忘也噤也从心余聲周書曰有疾不念念喜也
此引周書金縢文今本作王有疾弗豫釋文云豫本
又作忤忤从心予聲猶念从心余聲也此亦師讀之
異念之本義爲念爲噤口部噤下曰含深也借爲豫
則訓喜猶假本訓非眞借爲假則訓至枯本訓稟借
爲枯則訓木也尙書弗字今文皆作不疑許所引今
文也

我之弗辟

辟部彛治也从辟井周書曰我之不彛今本不彛作弗
辟釋文云辟必亦反治也此爲傳說文作彛必益反

法也馬鄭音避謂避居東都據此則許本訓彛爲法

今作治字之誤也馬鄭音避是馬鄭古文作辟

古文多省

假僻避璽開彛等字皆借辟爲之

說爲避居是讀辟爲避也許引作

不彛蓋今文尙書字其訓爲法謂不以法治流言也

今文說居東爲東征大傳曰周公居攝一年救亂二

年克殷三年踐奄

卽經之居東二年也

所云救亂者蓋治流言

之亂夫流言之入內必有爲之應者周公先救內亂

而後可以東征所謂彛卽指此也古文假辟爲彛古

文家不從今文之義而讀爲避史記用今文尙書於

此經則用古文說魯世家云周公告大公望召公奭

曰我之所以弗辟而攝行政者恐天下畔周無以告

我先王亦从古文辟讀避說爲避位與馬鄭義異蓋从孔安國問所得古文說也是古文作辟則彛爲今文尙書矣近儒於許書彛彛等字以爲孔壁古文非也

王亦未敢誚公

言部譙燒譙也从言焦聲讀若嚼又誚云古文譙从肖周書曰亦未敢誚公今本作誚仍古文本字譙則今文尙書也此與下蠲截同例必今文作譙而後知古文之誚卽譙必今文作蠲而後知古文之截卽蠲此後引古文知上一字爲今文正以見先引經文後云古文作某者爲古文尙書上爲今文尙書也

越兹蠹

蚰部

蚰音昆

蠹蟲動也从蚰音聲

音蠹

又載云古文蠹从

戔

音戔上从才

周書曰我有戔于西今案大誥云有

大艱于西土西土人亦不靜越兹蠹許蓋隙枯是經之辭戔爲古文蠹爲今文尙書字

罔弗慙

心部慙怨也从心敦聲周書曰凡民罔不慙今康誥作罔弗慙無凡民二字許所引與孟子合弗作不蓋今文尙書也

盡執柯

手部柯柯搗也从手可聲周書曰盡執柯

小徐本柯今下有戠字

酒誥柯作拘蓋形近之誤柯訓爲搗許訓搗云裂也
从手爲聲一曰手指也段玉裁謂當於盡執畧逗柯
以歸于周謂指搗以歸于周也義頗紆回孫星衍依
許斷句謂盡執而指搗之更爲不辭此蓋古文假借
字未敢強通

至于屬婦

女部嫗

音鄉

婦人妊身也从女芻聲周書曰至于嫗婦今

梓材作屬婦案釋言云孺屬也則屬卽謂孺子耳作
嫗者今文尙書也文選崔子玉清河王誄有云惠于
嫗嫗此亦用梓材文嫗卽謂上敬寡也屬作嫗與許
所引合

惟其塗丹𦔁

丹部𦔁善丹也从丹𦔁聲

𦔁音

讀與𦔁同

𦔁卽確正字釋文引作讀

與𦔁同𦔁蓋𦔁之誤

周書曰惟其𦔁丹𦔁今本𦔁作塗書疏所

據則作𦔁云二文皆言𦔁卽古塗字明其終而塗飾之據疏二文皆言𦔁之云是上塗聖茨之塗孔穎達本亦作𦔁也羣經音辨云𦔁音塗書惟其𦔁聖茨又同路切集韻云𦔁同都切音徒塗也周書𦔁丹𦔁又徒故切義同丁賈所據尙書與書疏合徐幹中論治學篇則引作塗丹𦔁蓋漢代尙書塗與𦔁𦔁其字錯出塗其正字𦔁𦔁則塗之轉音讀爲塗而義亦同之

塗本塗泥字塗

飾字當作塗

說文引經攷異卷五

丹徒柳榮宗撰

周書

越三日丁巳

亏部

熱作于

粵案慎之詞从宋

古文審从山从采采音辨

从亏周書曰

粵三日丁亥此卽召誥越三日丁巳也亥當爲巳字

之誤劉歆三統術引召誥粵六日乙未字亦作粵今

本皆爲越三統術又引古文武成篇曰粵若來三月

旣死霸粵五日甲子咸劉商王紂又云惟五月旣殤

生霸粵六日庚戌武王燎于周廟翌日辛巳祀于天

位粵五日乙卯乃以庶國祀馘于周廟字皆爲粵蓋

劉許所據古文如是越則同音假借字作逾越解者
非也

其不能誠于小民

言部誠和也从言咸聲周書曰不能誠于小民今本不
作丕案詩書丕不多通用

乃惟孺子頒

支部攷分也从支分聲周書曰乃惟孺子攷亦讀與彬
同今洛誥攷作頒案許書頁部頒下曰大首也从頁
分聲一曰鬢也詩曰有頒其首頒音讀如墳故詩小
雅苕之華牂羊墳首墳雖訓大要假墳爲頒耳是頒
本訓大首無分義也周禮匪頒則假頒爲班孟子頒

白則假頒爲斑

許書無斑字王制斑白者不提寧鄭注云雜色曰斑於是頒有

布還音切而義亦同之尋其假借之原蓋古借頒爲攷以同分聲故可通假而頒賜頒白則以同聲通用頒蓋古文假借字攷爲今文尙書字許引攷字句絕則下當讀朕不暇聽句也

亦未克攷公功

攷部攷撫也从攷米聲周書曰亦未克攷公功讀若弭又侏云攷或从人案作侏者疑今文尙書字凡說文注中引經後列或从字皆經之異文也

昭武王惟冒

目部睪低目視也从目冒聲周書曰武王惟睪今君夷

睪作冒許書曰部

冒音

冒下曰冡而前也从月从目

冡覆也故冒引伸之義爲覆睪爲低目視亦覆意也故通作冒君奭篇冒字凡三見許所據蓋均爲睪也

叨憤

至部𡗗忿戾也从至至而復孫孫遁也周書曰有夏氏之民叨𡗗𡗗讀若摯今多方𡗗作憤無氏字釋文云憤勅二反說文之二反今許書心部無憤篆蓋脫之憤𡗗同義大學心有所忿懣鄭注云懣怒貌或作憤易益象傳懲忿窒欲釋文云窒鄭作憤𡗗窒皆从至而皆通憤許所引蓋今文

爾尙不忌于凶德

言部誓忌也从言其聲周書曰上不誓于凶德今本作
俞尙不忌于凶德僞傳云汝庶幾不自忌入于凶德
如傳說則忌下必加一入字而後可通今據許所引
言之古字尙上通此承上言汝能敬和則汝長上不
忌嫉女背叛之凶德也蓋古文假尙爲上則上不誓
于凶德者今文尙書如秦誓未就于忌心部引忌作
基亦今文也

常伯

支部敝迻也从支白聲周書曰常敝常任今立政敝作
伯隸釋載熹平石經尙書殘碑有常伯常任辟五字
下闕則今文作常伯矣古文苑載胡廣侍中箴云亦

惟先正克慎左右常伯常任實爲政首文選籍田賦
注引應劭漢官儀云侍中周成王常伯字皆作伯以
爲如侍中之職則天子近臣也此亦今文家說許引
作敼蓋古文假借字其訓爲迮亦切近之義

其在受德啓

心部忝彊也从心文聲周書曰在受德忝今本忝作啓
案支部敼下曰冒也从支昏聲周書曰敼不畏死又
敼云彊也从支民聲則忝與敼同聲同義與敼同聲
不同義也釋詁云敼強也釋文云敼音閔書釋文引徐音也巾
反或作忝今本忝字誤是古忝敼通用矣蓋敼訓冒引伸
之亦得爲彊疑許所引今文也

灼見三有俊心

火部焯明也

焯从卓聲

从火卓聲周書曰焯見三有俊心

平

石經作會心

今本焯作灼許於灼字注云炙也

許訓炙云灼也从火

久聲則灼下當云灸也炙蓋灸之誤

焯灼並音之若反而義則異則灼

見字本作焯今以灼爲焯而焯字廢矣

用勸相我國家

力部勸勉力也周書曰用勸相我邦家讀若萬

釋文云勸音遇

萬當爲通之誤

从力萬聲今本邦作國玉篇引亦作邦蓋古

本如是堯典協和萬邦史記堯本紀漢書地理志論

衡藝增篇皆引作萬國是漢世尙書邦國字與此互

異

憑玉几

几部凭依几也从几从任周書凭玉几讀若馮今顧命

凭作憑假借字也憑俗字也當作馮許書馬部馮下

曰馬行疾也从馬夂聲

夂爲冰本字冰爲疑本字

本皮冰反凭讀

同馮而凭卽假馮爲之俗加心非也先鄭注周禮司

几筵引此經作馮蓋馮玉几者古文尙書凭玉几者

今文尙書今文非無省假究多正字也

俗讀馮房戎反爲人姓其

借爲凭及溯者則加心於經典之本作馮者則加點爲識讀憑不知馮本皮冰反其人姓讀房戎反者本作邛許書邑部疑下曰姬姓之國从邑馮聲此姓所自出也今姓反省邑而馮轉加心字體音讀沿譌久矣溯卽馮河本字經典亦假馮爲溯

在後之侗

言部訓其也从言同聲周書曰在夏后之訓今本作在
後之侗僞傳云在文武後之侗稚成王自斥釋文云
侗馬本作訓云其也馬本與許所引合是古文作訓
也陸止稱馬本則鄭古文與今本同禮記祭統鋪筵
設同几鄭注云同之言訓也釋文云訓徒其反疏云
若單作同字是齊同之同非訓其之訓若訓其之訓
則言旁作同故古文字林皆訓訓爲其是漢魏時字
義如此是以讀同爲訓今則總爲一字其云古文字
林古疑說之誤或古文卽謂尙書言顧命之訓說者
訓爲其也說文所引自是古文正本孫星衍釋之云
夏中國之人也后繼體君也言在中夏皆後君之其

職也江聲釋之云夏中夏后謂諸侯言承文武之業
在中夏爲諸侯之共主義俱紆回而江尤甚今案在
當讀如辱在寡人之在謂顧在也夏讀如五年須夏
之夏謂寬假也古文多方天惟五年須夏之子孫鄭注云夏之言假也見詩皇矣疏古字
夏暇假通用今多方作須暇非古文之舊此承上言文武集大命天顧在
寬假繼體者共此大命此包四國流言周公東征偃
禾拔木反風歲執諸事言之論語集解引孔安國注云偃禾拔木反風歲執諸事言之
傳託於孔氏故皮傳其義訓爲何雅

敷重篋席

首部

首日不正也音茂

莫火不明也从首从火首亦聲周書曰

布重莫席織蒻席也讀與蔑同今本作敷重篋席案

敷布古通用或許以布爲敷或許所據作布篋爲莫者釋文云篋眠結反馬云纖弱是馬本古文亦作篋則許引作布作莫今文尙書也篋俗字當爲蔑許訓蔑云勞目無精也从首隸作戊聲引伸爲細弱之義方言云木細枝江淮陳楚之間謂之蔑故以纖弱爲席謂之蔑席疏引王肅注云篋席纖弱萃席許書艸部弱下曰蒲子可以爲平席从艸弱聲蒲子謂蒲之纖細者據王注是王本亦作篋蓋本作蔑僞傳說蔑席爲桃枝竹席後人因其訓改从竹耳今文作莫莫義爲火不明與勞目無精之蔑義近亦得爲細弱之稱許云纖弱席蓋今文說纖疑爲纖字之誤許先列其本義後引今文說明其引伸之義

陳寶

六部宗藏也从六示聲示古文保周書曰陳宗赤刀今
本宗作寶鄭注周禮天府職引此經與今本同段玉
裁云許所據壁中古文自其藏言之謂之宗自其器
言之謂之寶宗寶音同義近今案宗者寶之同音假
借字左氏莊六年經齊人來歸衛俘公穀經俱作衛
寶左氏經作俘而傳云衛寶俘蓋保字之駁文保古
文保也許書爪部孚下曰卯孚也从爪从子一曰信也又采云古文孚从示示古文保人部保下
呂養也从人从采省采古文孚又示云古文保又保云古文保不省是保爲保之古文春秋古經蓋本作
保傳寫者脫下春秋古經假保爲寶古文尙書假宗
三筆遂書作俘爲寶耳不得如段所云書疏引鄭注云陳寶者方有大事以華國也案上云趙王
五重亦寶器也經不應先言寶器後申明之周禮天
府有陳寶之事要不可以說此經廣雅釋器云陳寶

刀也此蓋本今文尙書說
與越玉赤刀同爲寶器也

一人冕執銳

金部銳侍臣所執兵也从金允聲周書曰一人冕執銳
讀若允今本銳作銳僞傳云銳矛屬也釋文云銳以
稅切段玉裁云陸氏不言說文作銳玉篇無銳字有
銳字云徒會切矛也廣韻十七準無銳字惟十四泰
銳杜外切矛也毛居正六經正誤云銳矛屬許氏說
文音兌廣韻徒外切今音以稅切非也當从說文廣
韻音岳珂九經三傳沿革例云顧命執銳說文以爲
兵器注中以爲矛屬尋此諸文說文本有銳無銳尙
書本作銳許引周書古本本在銳篆下至大小徐所

據說文乃與諸家異恐不可從案段氏之言誠是然此究難言諸家所據說文本是而二徐本非也玉篇廣韻之訓銳爲矛屬卽據僞傳文耳未嘗言說文有是訓也許訓銳云芒也从金兌聲又厠云籀文銳从厂剡則岳珂所云說文以爲兵器者本約畧之辭至云注中以爲矛屬則明指書傳言之是許銳下本無兵器之訓不得云尙書本作銳古本說文引周書本在銳篆下也廣雅釋詁云銳利也

釋器又云銳孟也

經傳凡

言銳者如左氏傳我以銳師宵加於郕不亦銳乎子羽銳敏孟子其進銳者其退速戰國策輕車銳士皆精銳堅利之義無作兵器字用者是尙書本作銳篆

文銳銳字相似因譌爲銳二徐說文本是也當據以正諸家之誤不當據諸家脫誤說文以正二徐也

毛居

正以銳音以稅切爲非玉篇牙屬下本有又弋稅切之音釋文則止音以稅反是古有此音以爲非誤矣

三咤

一部音密

託奠爵酒也从一託聲周書曰王三宿三祭

三託今本託作咤釋文云咤陟駕反字亦作宅又音妬說文作託丁故反馬作詫與說文音義同案許書口部無咤字古文偏旁言多从口則咤卽詫字馬許惟从一从一之不同此則古文字畫幾微之別見爲一則从一見爲一則从一本無大異故音義同也

耄荒

目部眊目少精也从目毛聲虞書耄字如此段玉裁云
虞書無耄字偽大禹謨有之非許所知也惟商書微
子周書呂刑有之呂刑耄荒周禮注引作耗荒漢書
刑法志引作眊荒漢書多以眊爲耄豈卽許所據書
與當云尙書耄字如此此爲假借許書老部無耄字
有耄字注云年九
十日耄从老蒿省聲是耄亦後起
字或耄爲耄之或字而許書脫之案漢書引作眊荒
今文尙書也鄭注周禮大司寇引書曰王旌荒釋文
旌莫
報反是鄭引本作旌賈昌朝羣經音辨引書王旌荒
云鄭康成讀此或賈所據周禮注作耗而段遠云周
禮注引作耗荒又案鄭注周禮多引今
凡此最足貽誤古文尙書也文尙書疑旌爲今文眊
爲古文也均假借字今呂刑眊作耄釋文云本亦作耄此
卽耄字之譌皆後人以正字易其通假也

奪攘

支部攷彊取也周書攷攘矯虔从支兌聲今本攷作奪

案許書奪部

奪殺凡二音

奪下曰

奪作

手持佳失之也从

又

又手也

从奪

奪鳥張毛羽自奮也手持佳張毛羽奮去故爲奪

此奪之本義

段玉裁云自遺失謂之奪

今謂之脫鄭禮記注云人編簡爛脫釋文脫音奪

人

彊取謂之攷音同義別經典皆假奪爲攷然此經本

作攷孟康漢書武帝紀注引書曰攷攘矯虔與許所

據合鄭注周禮司刑引大傳作奪攘矯虔攷奪蓋亦

今古文之異禮記檀弓齊莊公襲莒于奪鄭注云或

作兌則攷奪音義古通

訓則極隸

支部斲去陰之刑也从支蜀聲周書曰剕劓斲黥今本
 作劓剕桷黥段玉裁云孔傳曰截人耳鼻疏云剕截
 人耳劓截人鼻剕桷人陰黥割人面又云於是大爲
 耳鼻桷陰黥面又云鄭元云剕斷耳劓截鼻桷謂桷
 破陰黥謂羈黥人面皆先剕後劓說文引作剕劓斲
 黥則當爲剕之誤則古文尙書作剕劓甚明今本作
 劓則蓋倒誤據書疏卷二引劓則劓剕而呂荆疏云
 剕桷人陰字皆作劓今本作桷衛包所改謂劓桷爲
 古今字而不知字義之不同桷擊也去陰不可云桷
 今案劓則桷黥或作剕劓剕剕許作剕劓劓黥此亦
 傳習之不同耳書序疏稱庸生賈馬之等惟傳孔學

而鄭承其後篇與夏侯等同而經字多異夏侯等書

剗則剗剗

此引鄭本

云臙官剗割頭底剗是今文有臙無

則許所據作別與今文合不得謂爲則之誤也敬義

爲椽故字亦爲椽大雅瞻卬昏椽靡其箋云昏椽皆

奄人也昏其官名椽毀陰者也則椽卽敬僞傳云椽

陰鄭注云椽破陰何以去陰不可言椽而爲衛包所

改字乎馬鄭同傳古學經字每有不同則許之書稱

孔豈必同於賈馬鄭哉

惟貌有稽

糸部緇旄絲也从糸苗聲周書曰惟緇有稽今本緇作

貌僞傳云惟察其貌許所據作緇訓爲旄絲謂絲之

至細者引伸爲細密之義則惟緇有稽謂纖細之必
察耳此亦古文尙書字蓋同一古文或釋爲緇或釋
爲貌而皆可通故傳習者字有歧異史記周本紀作
惟訊有稽今文尙書也許書言部訊下曰問也从言
𠂔聲惟訊有稽卽周禮小司寇以三刺斷庶民獄訟
之中一曰訊羣臣二曰訊羣吏三曰訊萬民謂於此
有所考合也

汝多修扞我于艱

支部𢇛止也从支旱聲周書曰𢇛我于艱今文侯之命
𢇛作扞許書手部扞下曰𢇛也从手干聲𢇛蓋𢇛字
之誤謂𢇛持也與𢇛止同義以耳字古文作𦓐扶字

古文作𦵏例之則攷扌亦古今字

費誓

米部𦵏惡米也从米北聲周書有𦵏誓案鄭注周禮秋官雍氏引𦵏誓曰𦵏乃攷斂乃𦵏許云周書𦵏誓卽今費誓也禮記曾子問鄭注引費誓釋文所據作𦵏云音秘史記魯世家作𦵏誓裴駟集解徐廣曰𦵏一作鮮一作獮駟案尙書作𦵏索隱云大傳作鮮誓尙書作𦵏誓𦵏卽魯卿費邑也是古文尙書本作𦵏誓無作費者但諸家所引其字皆从米从比許作𦵏以爲北聲段玉裁謂粟不成爲𦵏惡米爲𦵏正是一例當皆从比聲因改篆文作𦵏然玉篇米部云𦵏音秘

說文云惡米也又柴云同上是顧所據說文亦同今本蓋許尙書作棗諸家作柴故顧列柴於棗下以爲同字今作費者蓋開元中改古文爲正書所易字也
峙乃糗糧

食部餽乾食也从食侯聲周書曰峙乃餽糗今本作糗糧許書米部無糗字詩大雅韓奕以峙其糗箋云糗糧也本爾雅釋言文是本有其字而義卽爲糧許訓糗云熬米麥也从米臭聲經云峙謂熬米麥乾而貯之所謂餽也則餽糗與糗糧同義

未就予忌

心部憇毒也从心其聲周書曰來就憇憇此蓋秦誓未

就于忌之異文未來形相近基忌音相近左氏定四年傳基閒王室釋文云基音忌基基二字當爲予基之誤此蓋今文尙書忌之爲基猶多方不忌于凶德今文忌作基也

惟戡戡善諛言

戈部戔賊也从二戈周書曰戔戔巧言此引秦誓文言部諛巧言也从言扁聲周書曰戡戡善諛言引同今本戈部所引今文尙書也楚辭劉向九歎云讒人譏譏孰可愬兮王逸注云譏譏讒言貌書曰譏譏靖言漢書李尋傳昔秦穆公說譏譏之言公羊傳惟譏譏善靖言皆今文也許所據作戔戔巧言或巧言爲戔

弋之訓弋之本義爲賊書之弋弋則巧言貌也

斷斷猗

斤部斲截也从斤獨獨古文絕又韶云古文斷从𠂔𠂔

古文夷

音專謹也

周書曰韶韶猗又𠂔云亦古文斲此引

古文尙書𠂔則古文亦作本也廣雅釋詁云斷斷誠也此卽本尙書家說何休公羊傳注云斷斷專也與古文从𠂔義合

邦之杌隍

𠂔部隍危也从𠂔从毀省徐巡以爲隍凶也賈侍中說隍法度也班固說不安也周書曰邦之旣隍讀若虹蜺之蜺今本旣作杌俗字也許訓旣云石山戴土者

从自兀聲阢之言兀兀然也故爲不安之義

伯囧

𡗗

𡗗音浩

𡗗驚走也一曰往來也从𡗗

𡗗音誑

周書曰伯

𡗗古文𡗗古文囧字案書序云穆王命伯囧爲太僕
正作囧命孔壁古文尙書安國以今文讀之得多十
六篇中有囧命以無師說諸家不爲之注謂之逸書
許所引作𡗗今文書序也史記周本紀云穆王閱文
武之道缺乃命伯𡗗申誡太僕之政作𡗗命與許所
引合今文尙書也今文本有書序其云古文𡗗古文囧字語
有譌舛當云囧古文𡗗字此引古文書序也

說文引經攷異卷六

丹徒柳榮宗謨

毛詩

參差荇菜

木部樛木長兒从木參聲詩曰樛差荇菜今毛詩周南

關雎樛作參案楚辭九歌云吹參差兮誰思參差舜

所制簫名也後用爲不齊一之稱

風俗通音樂篇云謹案尙書簫韶九

成鳳皇來儀其形參差象鳳之翼十管長二尺

依字當作簫許書竹部簫下

曰差也从竹參聲蓋其本字樛爲木長兒參爲星名

均假借字也

許書晶部曇下曰商星也从晶參聲又參云曇或省是參本星名用爲參差參

兩字

歸甯父母

日部晏安也从女日詩日以晏父母今毛詩無此文蓋
卽葛覃之歸甯父母也傳曰甯安也段玉裁云尋詩
上文言告言歸歸謂嫁也方嫁不當遽圖歸甯則此
歸字作以字爲善謂可用以安父母之心耳案許所
引蓋三家詩

我馬虺隤

釋文虺說文作瘠隤說文作頽今本說文疒部頁部無

瘠頽字

疒音近頽
隤作疒

惟禿部有頽字云禿兒从禿貴聲

下未引詩頽卽頽正字也蓋疒部有瘠篆引詩作瘠
頽故陸據以入音義今本脫之瘠頽齊魯詩也

唐代
韓詩

尚存陸於此止引說文作某知韓
與毛同而痕積爲齊魯詩字矣

我姑酌彼金罍

久部

久音止

功秦以市買多得爲功从乃

二字疑衍

从久益至

也从乃

當作乃隸作乃

詩曰我功酌彼金罍今卷耳功作姑

傳云且也玉篇云功公觀公乎二切且也說文云秦

以市買多得爲功論語曰求善價而功諸今作沽案

顧氏且也之訓卽本毛傳是其所據毛詩作功則許

所引毛本字也其訓蓋古毛詩說或本齊魯顧引論

語沽諸作功諸則功爲沽買正字許書水部沽下曰

水出漁陽塞外東入海从水古聲則沽本水名以沽

爲功蓋古或假買酒酤字爲之後又轉用沽耳

許書酉部

酤下曰一宿酒也一
日買酒也从酉古聲

我乃酌彼金罍古說必有據秦
人語以釋詩說乃爲買言升此崔嵬懷思之甚欲買
酒酌之以忘其懷思者秦本周地其語之從來者遠
矣毛傳訓且乃義之引伸也凡物之出於乃者皆出
於權宜不得已之時故以爲乃且字今相承用姑於
義無取

陟彼砠矣

山部岵石戴土也从山且聲詩曰陟彼岵矣今本岵作
砠傳云石山戴土曰砠釋文作磳云本一作砠案爾
雅釋山云土戴石爲砠字亦从石段玉裁云此蓋古
今字以本主謂山故从山以本是石山故从石其字

一也

葛藟縈之

艸部縈艸旋兒也从艸縈聲詩曰葛藟縈之今南有樛

木縈作縈傳曰縈旋也案許書糸部之縈下曰收輦

也从糸熒省聲

段玉裁云輦爲革中弄不可言收疑卷字之誤

則縈爲收卷

旋轉之義故毛訓爲旋據衣部縈字注云鬼衣从衣

熒省聲讀若詩葛藟縈之引同今本釋文云說文作

縈不言韓作則作縈者齊魯詩也又釋文所據毛詩

作縈云本又作縈烏營反旋也說文巾部無縈字以

縈爲旋於形義未知其審玉篇云縈覆也

詵詵兮

釋文云詵詵所巾反衆多也說文作舜音同今許書無
舜字言部詵下曰致言也从言先聲詩曰螽斯羽詵
詵兮此則引毛詩毛訓詵詵爲衆多據許訓詵無多
義也以陸言求之必其所據說文多部有舜篆下引
詩作舜舜兮讀與詵同故云說文作舜音同今本脫
之也玉篇云舜多也重言之則衆多矣蓋作舜舜者
正字齊魯詩也詵詵其假借字先辛古通用小雅駝
駝征夫周語引作莘莘征夫孟子有莘之野呂氏春
秋則云有仇氏以伊尹媵女是其證也故毛詩古文
假詵爲舜

桃之夭夭

木部𣎵木少盛兒从木夭聲詩曰桃之𣎵𣎵女部媿巧

也詩曰桃之媿媿女子笑兒从女夭聲

媿燕作妖用爲媿安字

今桃夭作夭夭傳曰桃有華之盛者夭夭其少壯也

案許書夭部夭下曰屈也从大象形是夭謂物之方

長未成者故其字从大而上象其屈而未伸之狀有

少長義無壯盛意也毛傳與許同則𣎵𣎵者正字夭

夭其省假字也女部又引作媿蓋均齊魯詩

釋文云大說文

作𣎵知韓與毛同

廣雅釋訓云媿媿茂也齊魯訓也媿之本

義爲巧媿媿則爲女子笑兒或齊魯說有以桃之媿

媿形女子之巧笑者或許訓其正義引詩以明媿爲

𣎵之假借也

江之永矣

永部篆水長也从永羊聲詩曰江之永矣許於部首永

下曰水長也象水至理之長

經

詩曰江之永矣此

引毛詩則篆下所引三家詩矣釋詁云永篆長也是其義同文選王粲登樓賦云川既漾而濟深李善注云韓詩曰江之漾矣薛君曰漾長也案漾本水名古文作漾用爲蕩漾字則漾不得訓長賦及注漾字當爲篆之譌則作篆者韓詩也古篆永通用齊侯鐘鐸銘云永保其身又云永保用言永卽永也

惄如調飢

心部惄飢餓也从心叔聲一曰憂也詩曰惄如朝飢今

汝墳作調飢傳曰調朝也釋文云調張畱反又作朝
音同案楊凝式與人書云晝寢乍興朝飢正甚所據
毛詩正作朝焦氏易林引作怒如周飢調朝與周皆
朝之假借字故毛訓調爲朝而易林又云偁如旦飢
偁古文亦以周爲朝也蓋朝本作朝从𠂔舟聲調朝
夙字皆周聲舟周古字通考工記作舟以行水鄭注云故
書舟作周左氏宣十四年傳楚
申舟呂氏春秋行論作申周襄二十三年傳齊華周
說苑立節篇善說篇均作華舟釋名云船又曰舟言
周流也是周故周聲之字與舟聲之字同聲通用許
舟古字通引作朝者蓋三家詩

魴魚頰尾

赤部經赤色也从赤至聲詩曰魴魚頰尾又頰云經或

从貞又刺云或从丁今本作賴傳云賴赤也魚勞則尾赤从或體也此記各家異字明其同實左氏哀十七年傳云如魚窺尾杜注云窺赤也魚勞則尾赤與毛傳同許書穴部窺下曰正見也从穴中正見也正亦聲則窺爲同聲假借字

王室如燬

火部焮火也从火尾聲詩曰王室如焮今本焮作燬傳云火也釋文云燬音毀齊人謂火曰燬郭璞又音貨字書作焮音毀說文同一音火尾反案後漢書周磐傳注引韓詩亦作燬並引薛君章句云燬烈火也外傳云家貧親老不擇官而仕詩曰王室如燬父母孔

邇此之謂也與內傳同劉向列女傳云生於亂世不得道理而迫於暴虐不得行義然而仕者爲父母在故也王室如毀父母孔邇蓋不得已也向治魯詩義與韓同而字則作毀蓋燬之省是魯韓毛字俱爲燬許引作焮疑齊詩字或所據本異許列燬於焮篆下云火也从火毀聲春秋傳曰衛侯燬與焮同聲同義段玉裁謂毛詩作焮說文燬字爲後人所增益其說云釋文謂說文作焮則說文有焮無燬可知焮一音火尾反則焮本音毀可知俗乃强分爲二字二音於說文別增燬篆陸德明所據本不如此燬篆許所無當刪案段氏此說直不可解陸云燬字書作焮下云

說文同者謂字書燬焮同字說文引此詩同字書作
焮不謂說文有焮無燬也何所見其所據說文有焮
無燬乎焮燬說文同音許倬反釋文同音毀未嘗分
爲二音也夫字之音義同而形異者不可勝數何以
焮燬不得同字說文不當有燬乎且許於燬下明引
春秋傳衛侯燬矣又何所見詩之焮則是春秋之燬
則非爲後人所增乎此皆難爲段氏解者是不得以
焮廢燬也

于以采藻

艸部藻水艸也从艸水巢聲詩曰于以采藻又藻云藻
或从澡今召南采蘋从或體作藻或字行而正字遂

廢人情趨簡便有由來矣

召伯所茇

厂部

廣音

茇舍也从广戈聲詩曰召伯所茇今甘棠茇

作茇傳曰茇草舍也段玉裁云周禮大司馬仲夏教
茇舍鄭注云茇讀如萊沛之沛茇舍草止之也軍有
草止之法案許書艸部茇艸根也此茇訓舍也與毛
鄭說異以其字从艸从广別之耳今案釋文云茇蒲
曷反徐又扶蓋反說文作茇云草舍也然則今本說
文舍也上脫艸字是許所據詩作茇而義與毛鄭不
殊茇爲正字茇爲假借字耳左氏則假拔爲之僖十
五年傳云晉大夫反首拔舍杜注云拔草舍止拔舍

卽芟舍皆廢之假借也許所引蓋齊魯詩

嘒彼小星

口部嘒小聲也从口彗聲詩曰嘒彼小星又噫云或从
慧案作噫者或毛詩異文或三家如此作

江有汜

水部漚水也从水臣聲

臣音願

詩曰江有漚此卽江有汜

之異文也傳云浹復入爲汜箋云汜小水也案許訓

汜云水別復入水也一曰窮瀆水也从水已聲詩曰

江有汜引同今本其訓與毛合本爾雅釋水文鄭以

汜爲小水與許漚訓合易林云江水沱汜畏附君子

伯仲處市不我冒願姪娣悵悔

此與毛異蓋三家說

焦所據詩

亦作汜是三家詩字與毛不異許之引作漑與汜同音疑卽汜之或體臣已音相近蓋三家有作漑訓爲水者許據之而書也

其嘯也歌

欠部歊吟也从欠肅聲詩曰其歊也謌今本歊謌字作嘯歌案許書口部嘯下曰吹聲也从口肅聲又歊云籀文嘯从欠欠部歌下曰詠也从欠哥聲又謌云歌或从言是歊謌本籀文及或从字則所引非毛古文矣

何彼穠矣

衣部禮衣厚兒从衣農聲詩曰何彼穠矣今本穠作穠

傳曰禮猶戎戎也釋文所據本則作禮云禮如容反
韓詩作莪莪音戎說文云衣厚貌陸本與許合藝文
類聚載沈約爲長城公主謝表云肅雖不著禮華蓋
闕字作禮與今本合俗字也莪者正字禮者借字毛
云禮猶戎戎戎卽莪以正字爲借字之詁也

寤辟有標

日部晤明也从日吾聲詩曰晤辟有標今邶風柏舟晤
作寤毛無傳段玉裁謂詩云耿耿不寐云我心匪石
云如匪澣衣則當作寤訓覺晤其假借字也案此正
承上不寐言之晤辟有標言其憂心耿耿由不寐以
至於旦明終無奈何惟拊心而已上言不寐此何由

云寤乎又靜言思之之下又不得言寤也許蓋據三家詩毛則假寤爲晤耳段說非也

終風且暴

水部瀑疾雨也从水暴聲詩曰終風且瀑

許書本部暴下曰疾有所

趣也从日出本廿之日部暴下曰晞也从日从出从
廿从米字本各別隸作暴暴疾暴曉字統以暴爲之
而異其音讀本音
叨廿音拱篆作𠂔今終風瀑作暴傳曰暴疾也卽指

風言之許所引三家詩也

噎噎其陰

土部噎天陰塵也

玉篇引塵下有起字是也

詩曰噎噎其陰从土壹

聲今本作噎噎傳云如常陰噎噎然案上終風且噎
傳云陰而風曰噎許書曰部噎下曰陰而風也从日

壹聲詩曰終風且噎與毛傳同用釋天文而引此噎
噎作噎噎二字畫然分別據傳常陰之訓是毛作噎
噎許訓噎與毛迥異三家義也

願言則寔

口部噎悟解氣也从口寔聲詩曰願言則噎今本噎作
寔傳云貽也疏引王肅云願以母道往加之則寔而
不行此王之申毛也鄭箋云寔讀爲不敢噎咳之噎
今俗噎云人道我此鄭之破毛也凡鄭破字皆有所
本許引此正作噎蓋三家詩而鄭讀从之者是可攷
鄭義之所出非臆說也段玉裁謂改寔爲噎自鄭君
始許在鄭前安得从鄭易毛說文各本噎下有詩曰

願言則噓六字者後人妄增也其說文注竟刪此六字其誤甚矣

擊鼓其鏜

鼓部鼙鼓聲也从鼓堂聲詩曰擊鼓其鼙今擊鼓鼙作鏜傳云鏜然擊鼓聲也案許書金部鏜下曰鍾鼓之聲从金堂聲詩曰擊鼓其鏜此正引毛詩則鼓部所引三家詩也許列鏜字於鍾字之下蓋以爲鍾聲正字則鼙爲鼓聲正字而毛以鏜爲鼙故許訓鏜渾云鍾鼓聲見鏜可通鼙耳

深則矺

石部矺履石渡水也从水从石詩曰深則矺又瀾云矺

或从厲今匏有苦葉砮作厲蓋卽瀦之省傳云以衣
涉水爲厲謂由帶以上也本爾雅釋水文許引作砮
蓋齊魯詩釋文云厲說文作砮音力砮之言履也字
从水从石是履石渡水也或从厲厲旱石也見广部以
字之形義言之蓋本齊魯說毛據雅訓則言渡水深
淺之別耳

湜湜其沚

水部湜水清見底也从水是聲詩曰湜湜其止今谷風
止作沚毛傳云涇渭相入而清濁異箋云湜湜持正
貌小渚曰沚釋文云沚音止案白帖兩引此詩皆作
止與許合蓋三家詩言涇以渭濁而其清見底湜湜

然其止定如此此亦三家義又案毛不爲泚字發傳
疑毛本作止鄭所據則作泚以泚从是是義爲直故
訓爲持正貌與許義異

不我能慍

心部慍起也从心畜聲詩曰能不我慍今本作不我能
慍傳云慍養也許所引與今本異而義亦與毛殊疏
引孫毓云慍興也與許合釋文云慍許六反毛與也
鄭驕也王肅養也說文起也據陸毛與也之云與當
爲興之誤是陸所據毛傳作慍興也與孫毓本同孔
疏所據本作慍養也與王肅本同許訓起蓋三家義
此婦自謂黽勉有無者興起家業也而能不與我興

起乎反以我爲讎怨乎則作興起解於義爲長

悲彼泉水

目部眇直視也从水必聲讀若詩曰泌彼泉水今泉水
泌作悲傳曰泉水始出悲然流也案許書水部泌下
曰俠流兒一曰泉也从水必聲毛云悲然流者亦謂
泉水始出涓流俠小也釋文云悲悲位反韓詩作祕
說文作眇云直視也是陸所據說文引詩作眇此恐
陸之誤韓作祕毛作悲均泌之假借字許所引齊魯
詩正字也

室人交徧摧我

人部催相擣也从人崔聲詩曰室人交徧催我今北門

催作摧傳云沮也釋文云摧徂回反或作催音同韓
詩作譙音千佳子佳二反就也案釋文或作本與許
所引合摧本訓擠也折也見手沮止其引申之義催
訓相擣相擣卽相迫也義較勝

靜女其姝

衣部袿好佳也

玉篇袿尺朱竹朱二切
佳好也此當本說文

从衣朱聲詩曰

靜女其袿女部姁好也从女殳聲詩曰靜女其姁今
靜女作其姝傳云美色也許兩引此詩均不作姝於
姝字注但云好也从女朱聲衣部袿字下旣云讀若
詩曰葛藟荒之矣又云一曰讀若靜女其袿之袿疑
許所據毛詩作袿女部所引蓋齊魯詩釋文止云說

文作媼不言作祿猶桃夭止云說文作𡇗不言作媼也

愛而不見

人部優仿佛也

仿相似也佛見不審也或作髣髴俗作彷彿

从人愛聲詩曰

優而不見今本優作愛傳總括之云言志往而行止箋云志往謂踟躕行止謂愛之而不見毛鄭皆就木字釋之案方言云掩翳愛也郭注引此詩作愛而不見詩書竹部箋下曰蔽不見也从竹愛聲愛卽箋釋言云愛隱也隱與掩翳皆仿佛意也愛與優同郭所引與許合易林云季姬躊躇待孟城隅終日至莫不見齊侯此說似衛女媵於齊以待嫡迎者其云終日至莫不見齊侯則亦以

愛爲隱蔽之義韓詩外傳云賢者精氣闐溢而後傷時不可過也乃陳情欲以歌道義詩曰愛而不見搔首躊躇急時辭也此言仕宜及時若隱而不見空搔首躊躇耳與易林說又殊然以愛爲隱蔽則同廣雅三釋言云愛僂也蓋本韓詩說外傳作愛疑內則許傳作愛訓爲僂所引爲齊魯詩易林所云亦齊魯義也

新臺有泚

玉部玼玉色鮮也从玉此聲詩曰新臺有玼今新臺玼作泚傳云泚鮮明貌案鄘風君子偕老云玼兮玼兮傳云玼鮮盛貌泚玼訓同許書水部泚下曰清也从水此聲孟子其顙有泚趙注云汗出泚泚然考工記車人爲

未庇鄭司農云庇讀爲其類有疵之疵謂未下岐先
鄭所據孟子泚作疵以未下岐說推之則疵謂蹙額
岐然也附識於則泚無鮮明義新臺假泚爲疵釋文
此以廣異義云泚音此又子禮反說文作𡗗是亦齊魯詩也

燕婉之求

目部睽目相戲也从目晏聲詩曰睽婉之求今本睽作
燕傳云燕安也婉順也案如傳義則燕本宴之假借
字韓詩作嬾婉文選張衡西京賦云捐衰色從嬾婉
李善注韓詩曰嬾婉之求嬾婉好貌蘇武詩云嬾婉
及良時注呂向曰嬾婉歡好貌劉良曰嬾婉美貌此
韓詩韓義也與毛異許所引非毛非韓則齊魯詩矣
其義蓋同於韓許目相戲之說原本方言此字義非

經詰也

得此戚施

𧈧部𧈧𧈧

𧈧音陸

詹諸也其鳴詹諸其皮𧈧𧈧

𧈧音

其行

𧈧𧈧从𧈧从𧈧𧈧亦聲又𧈧云𧈧或从𧈧又云𧈧

𧈧音施

𧈧𧈧詹諸也詩曰得此𧈧𧈧言其行𧈧𧈧从𧈧爾聲

此卽新臺之得此戚施也傳云戚施不能仰者案釋

訓云戚施面柔也晉語云籛條不可使俯戚施不能

使仰此傳義所本許所引蓋韓詩御覽引韓詩云得

此戚施薛君云戚施蟾蜍喻醜惡蟾蜍卽詹諸而經

作戚施者𧈧𧈧字或出齊魯韓同毛作戚施戚古音

亦讀如𧈧𧈧卽施施王風傳云施施難進之意許

書竹部以籊籊爲粗竹席蓋亦三家義與𪔐𪔐同爲醜惡之物故借以爲喻粗竹席不可卷故爲不能俯者之稱𪔐𪔐之行與𪔐故爲不能仰者之稱戚施假借字也微說文詩之籊籊戚施竟莫通其義矣

說文引經攷異卷七

丹徒柳榮宗謨

毛詩

髧彼兩髦

髧部

髧音杉又音森

髧髮至眉也从髧攷聲

攷強也今讀務古讀如矛

詩曰

統彼兩髦又髧云髧或省漢令有髧長今鄆風柏舟
統作髧髧作髦傳云髧兩髦之貌髦者髮至眉子事
父母之飾也釋文云髧本又作伉徒坎反髧說文作
髧案伉蓋統字之誤與許合故髧下不云說文作統
也許書無髧字其訓髦云髮也从髧毛聲一切經音
義引作髦髧也謂髮中豪者也是髦謂髮中之特出

者毛蓋假髦爲髷小雅角弓如蠻如髦傳云髦夷髦也卽牧誓之羗髦亦卽許所謂漢令有髻長者古文亦以髦爲之據釋文止引說文知韓與毛同作髷本又省作髻者齊魯詩也禮子生三月剪髮爲髻長大作髷以象之髮至睂者段玉裁云蓋謂髮兩結下垂至睂象嬰兒夾囟之角統冕冠塞耳者髮蓋似之

牆有茨

艸部薺疾藜也从艸齊聲詩曰牆有薺今牆有薺作茨傳云茨蒺藜也案釋草云茨蒺藜也許訓薺義本爾雅與下引詩字俱作薺其訓茨云茅蓋屋也从艸次聲釋名亦云屋以草蓋曰茨茨次也次草爲之也是

二字截然有別而毛作茝者古齊聲次聲字通許書
禾部齋下曰稷也从禾齊聲又秋云齋或从次食部
養下曰稻餅也从食次聲又饘云養或从齊是其證
也故齊亦通茝漢書禮樂志云大祝迎神於廟門奏
嘉至卽古采齊肆夏也師古注云齊才私反禮經或
作養又作茝音並同耳賈誼傳步中采齊注云字或
作齊又作茝是齊茝字古通用

鬢髮如雲

彡部彡音

彡稠髮也从彡人聲詩曰彡髮如雲又鬢云

彡或从彡眞聲今君子偕老作鬢髮傳云鬢黑也案

易既濟六二婦喪其鬢

今本作弗

虞注云鬢髮謂鬢髮也

一名婦人之首飾坎爲元雲故稱髣詩曰鬢髮如雲
引詩字亦作鬢說爲黑髮與毛傳同左氏昭二十七
年傳昔有仍氏生女黥黑而甚美服虔本作鬢黑注
云美髮爲鬢詩釋文云服虔注左傳云美髮爲鬢知服本作鬢矣美髮與稠髮
同義許字訓與毛殊蓋與服同據三家義則作參當
亦三家字許以參爲正字蓋取其象形毛作鬢者毛
雖古文非無或體也

玉之瑱也

玉部瑱以玉充耳也从玉眞聲詩曰玉之瑱兮又鄭云
瑱或从耳今本兮作也女部引邦之媛也也亦作兮
是許所據此詩也俱作兮兮也語之轉故通用瑱或

从耳是詩本又作𦘔者

是繼袷也

衣部褻私服也从衣執聲詩曰是褻袷也今本褻作繼

案許於袷字注云無色也

玉篇袷扶元切衣無色也此當本許今本無色也上

蓋脫衣字从衣半聲一曰詩曰是繼袷也引同今本毛不

爲繼袷發傳但云絺之靡者爲縐是當暑袷延之服

箋云展衣夏則褻衣縐絺疏申毛云繼袷者去熱之

名故言袷延之服袷延是熱之氣也申鄭云展衣之

裏不恒以絺夏則褻之以縐絺作者因時事而言之

故云是繼袷也今以許作褻推之則褻謂褻衣也袷

謂衣無色則褻袷謂褻衣縐絺無采色耳蓋三家必

有爲此說者繼則同音假借字也

綠竹猗猗

艸部莢王芻也从艸朮聲詩曰莢竹猗猗今衛風淇奧
莢作綠傳云綠王芻也案大學引詩亦作綠釋文云
綠竹竝如字綠王芻也爾雅作莢音同釋草云莢王芻韓詩
管作薄云篇竢也據此是韓詩亦作綠假借字也故
小雅終朝采綠亦莢之通假王逸離騷注引正作莢
與說文引淇奧詩正同蓋齊魯詩字

赫兮咺兮

心部愜寬開心腹兒从心宣聲詩曰赫兮愜兮今本愜
作咺傳云威儀容止宣著也大學作愜詩釋文云咺

況晚反韓詩作宣宣顯也毛訓𠵽爲宣韓作宣訓顯
字異義同許書口部𠵽下曰朝鮮謂兒泣不止曰𠵽
从口宣省聲毛假𠵽爲宣也許引作愜而義與毛韓
殊當本齊魯說

會弁如星

骨部體骨擿之可會髮者从骨會聲詩曰體弁如星今

本體作會傳云弁皮弁所以會髮箋云會謂皮弁縫

中飾之以玉皦皦而處狀如星也

段玉裁云鄘風象之掃也毛曰掃所

以擿髮擿本又作擿體與掃一物而小異釋名掃擿也所以擿髮也導
同體與掃一物而小異釋名掃擿也所以擿髮也導
所以導擿髮髮使入巾幘之裏也或曰擿髮以事名
之也然則掃一名擿鄘風所云也導一名擿髮漢魏
以後多名玉導簪卽今案皮弁爲諸侯視朝與相朝
人之振簪詩禮之體也

之服非會髮之用且皮弁非所以會髮者周禮夏官

弁師云王之皮弁會五采玉璫鄭注云故書會作髀

鄭司農云讀如馬會之會謂以五采束髮也士喪禮

曰檜用組乃弁檜讀與髀同書之異耳

今士喪禮作髀注云古文

髀皆為括而先鄭所據作檜

說曰以組束髮乃著笄謂之檜沛國

人謂反紛為髀

釋文云紛一作紛案紛即今之結字

以此言之毛詩之

會即周禮故書之髀也傳當云弁皮弁會所以會髮

今本脫上會字耳

疏云禮記云周弁殷母夏收言收者所以收髮則此言會者所以會

髮可知此望文生義許引作髀蓋齊魯詩

釋文云說文作髀

韓與毛同

毛以會為髀古文省假也以髀會髮後乃戴弁

如星言其光耀也許說髀為會髮之器先鄭說髀為

五采束髮以字義論之許義爲長鄭則如字釋之謂
弁之縫中爲會其注周禮從今文之會云會讀如大
會之會會縫中也璫讀如薄借綦之綦綦結也皮弁
縫中每貫結五采玉十二以飾謂之綦詩曰會弁如
星又曰其弁伊綦是也今曹風鴈鳴作伊騏傳云騏綦文也箋云騏當作璫以玉爲之周禮注引作綦蓋三家詩綦卽璫也鄭是注足以證明箋義

充耳璫瑩

玉部璫石之次玉者从玉莠聲詩曰充耳璫瑩今本璫
作璫釋文云璫音秀沈又音誘說文作璫音弋久反
案璫之爲璫猶娛之爲妖皆隸省也但从秀則竟讀
秀沈音是其本音俗反以爲又讀矣

衣錦褻衣

衤部

林音派

黼臬屬也从衤熒省聲詩曰衣錦黼衣今衞

風碩人鄭風丰皆作褻衣衞風傳云錦文衣也夫人德盛而尊嫁則錦衣加褻襜箋云褻禪也國君夫人衣翟而嫁今衣錦者在塗之所服也尙之以禪衣爲其文之太著毛渾言褻襜不言褻爲何飾鄭但云褻禪不言禪用何物鄭風傳云衣錦褻衣嫁者之服箋云褻禪也蓋以丹穀爲之則以褻衣爲禪細絹衣許書衣部褻下曰黼也詩曰衣錦褻衣示反古从衣耿聲引同今本訓爲黼衣黼爲臬屬臬爲麻屬蓋續黼爲衣謂之褻衣亦卽謂之黼衣與鄭說異王應麟詩

次引尚書大傳衣錦尚黼與中庸所引詩合而字又作黼周禮天官典裘掌布總縷紃之麻草之物鄭注云草葛黼之屬地官掌葛凡葛征徵草貢之材於澤農注云草貢出澤黼紃之屬典裘釋文云黼苦迴反又口穎反案黼从穎聲穎从頃聲則黼卽黼之省黼與黼同音或卽黼之異文也列女傳引作衣錦綢衣此魯詩也與中庸作綢合中庸釋文云綢本作黼案儀禮士喪禮被黼黻注云黼禪也禮記雜記下如三年之喪則旣黼其練祥皆行注云黼草名無葛之鄉去麻則用黼則黼卽黼黼亦卽黼褻也蓋自其以麻爲之謂之黼而字或爲黼爲黼自其以禪衣言之則

爲褻而字又爲綱爲顙而其訓亦互通所謂字者孳乳而浸多也黷衣字蓋本齊詩其云示反古則與惡文著之說異

螾首蛾眉

頁部顙好兒从頁爭聲詩所謂顙首徐鍇曰詩言螾首此引詩以解誤作从爭案傳云螾首顙廣而方箋云螾謂蜻蜻也許引作顙蓋三家詩但下言蛾眉與螾首一例不與顙首類也詞家字只作蛾眉楚辭大招蛾眉曼只枚乘七發皓齒蛾眉張衡思元賦嫵眼蛾眉無有用蛾眉者方言云蛾好也秦晉之間好而輕者謂之蛾與顙訓好同蛾眉與顙首類疑齊魯詩有

作顙首娥睂者

施𩇑濊濊

大部𩇑空大也从大歲聲讀若詩施𩇑𩇑𩇑水部濊礙
流也从水歲聲詩曰施𩇑濊濊今本作施𩇑濊濊傳
云𩇑魚𩇑濊濊施之水中許所據詩𩇑作𩇑濊作濊
又作𩇑其濊字注則云水多兒从水歲聲案釋文云
濊濊呼括反韓詩云流貌說文云礙流也陸引說文
礙流之訓於濊下蓋其所據本作濊濊與許同傳寫
者脫誤作濊耳段玉裁說文注據釋文所引謂許書
有濊無濊𩇑落濊字水多貌訓刪濊篆而改爲濊竝
謂大部引作𩇑𩇑者誤因亦以濊濊易之是不知釋

文之濺本作濺又不知作泔泔者爲齊魯詩廣雅釋訓云泔泔流也韓與毛同字此必齊魯詩訓而稚讓采以入其書者段氏何不察而輕改古籍乎

鱣鮪發發

魚部鮪鱣鮪鮪鮪從魚尤聲案許於鮪下未列字訓卽遽引經許書每多此例今詩作發發傳云盛貌釋文云發發補末反馬云魚著罔尾發發然韓詩作鱣案鱣卽鮪也禮記檀弓公孫文子鄭注云文子名拔或作發詩商頌武王載旆荀子議兵篇作武王載發許書土部引作武王載拔是發尤古通故鮪亦作鱣鮪從尤聲鱣從發聲發從癸聲癸從艸聲

天本作𪔐从止𪔐音提

𠂔發𠂔俱讀若撥𠂔與發以音近而通也人行爲刺

𠂔犬走爲刺𠂔

許書𠂔部𠂔下曰足刺𠂔也从止止犬部𠂔下曰走犬充从犬而人之𠂔

其足則刺𠂔也音曳刺讀若辣

則𠂔義當爲魚游刺𠂔也詞家字

用撥刺義正有所本𠂔𠂔者正字𠂔𠂔者或字發發者古文省假字毛云盛貌於義似疏許所引疑韓詩或韓作𠂔齊魯作𠂔也

信誓旦旦

心部怛憺也从心旦聲又𠂔云怛或从心在卜詩曰信

誓𠂔𠂔今𠂔𠂔𠂔作旦旦傳云信誓旦旦然毛蓋就

本字爲訓言信誓著明也作𠂔者蓋齊魯詩

釋文云說文作

𠂔𠂔是韓毛同也

箋云言其懇惻款誠則與怛憺義近豈鄭

本作𢇛𢇛與

芄蘭之支

艸部芄芄蘭莞也从艸尢聲詩曰芄蘭之枝今芄蘭枝作支案許書支部支下曰去竹之支也从手持半竹又手也支篆作𣎵木部枝下曰木別生條也从木支聲義正相反說苑修文篇引作枝與許合支枝古通用大雅本支百世左氏昭十年傳引作枝史記李斯傳之公孫支卽左氏傳之公孫枝也枝爲正字許蓋引三家詩

童子佩鞶

韋部鞶射決也所以鉤弦以象骨韋系著右巨指从韋

棠聲

棠音葉

詩曰童子佩韞韐云韞或从弓案或从

字蓋三家詩有作韞者如木部梅下曰枏也可食从木每聲又棣云梅或从某標有梅釋文云梅韓詩作棣說文棣亦梅字是可證許於字訓下引經後列某或从某者皆各家經字之異也

曾不容刀

河廣曾不容刀傳云刀小船也釋文云刀字書作舠說文作鴈竝音刀是陸所據說文有鴈字訓爲小船引詩作曾不容鴈也鴈當作舠今許書舟部無舠篆蓋脫之

焉得諼草

艸部蕙令人忌憂之艸也从艸憲聲詩曰安得蕙艸又
 蕝云或从媛又萱云或从宣今伯兮作焉得諼草傳
 云諼草令人忌憂釋文云諼草本又作萱說文作蕙
 或作諼案陸或作諼之云承說文而言是陸所據說
 或从字蕝作諼也韓詩作萱文選謝惠連西陵遇風
 詩云積忿成疾痗無萱將奈何李注韓詩曰焉得萱
 草言樹之背辟君云萱草忌憂也萱與諼通許云或
 从宣斥韓詩也爾雅釋訓云蕝諼忌也郭注云義見
 伯兮考槃詩釋文云蕝施音袁謝許袁反郭云義見
 伯兮詩云焉得蕝草毛云蕝草令人善忌則謝讀爲
 是是郭所據毛詩又作蕝也許以蕝爲正字諼萱爲

或體菱卽說文之𦵏亦卽釋文之𦵏𦵏𦵏皆𦵏聲也
憲蓋齊魯詩字毛作𦵏假借字也焉作安者聲之轉
𦵏其乾矣

水部𦵏水濡而乾也从水𦵏聲詩曰𦵏其乾矣又灘云

俗𦵏从佳

鳥部𦵏下曰鳥也从鳥堇聲又難云𦵏或从佳𦵏難本一字故𦵏或作灘今以難爲

難易字而𦵏字遂廢易本字爲𦵏守宮亦借字也

今中谷有荏𦵏作𦵏傳云

荏貌釋文云𦵏呼但反徐音漢說文字作𦵏又作灘

皆他安反則許所引非毛韓詩矣今以𦵏爲沙灘字

亦濡而乾之義也𦵏本訓乾耕暴田爲𦵏毛蓋假𦵏

爲𦵏段玉裁云一物而濡之乾之則荏邑無色毛詩

本作𦵏故訓荏與許義相足案段謂毛與許相足是

也謂毛本作鴻非也

雉離于學

网部 网从冂下象网交文也或加亾作罔或从糸作罔
古文作罔籀文从日作罔隸變罔爲罔變罔爲網
口糸俱音 密日音卯 苞覆車也从罔包聲詩曰雉離于苞又學
云苞或从孚今免爰作學傳云覆車也案釋器云覆
謂之學學覆車也字亦作學包孚字古通左氏春秋
隱八年經公及莒人盟于浮來公穀經俱作包來一
切經音義引衛宏詔定古文官書以枹桴二字同體
是其證也許書包部包下曰象人褻妊己在中象子
未成形也爪部孚下曰卵孚也从爪子又采云古文
孚从采采古文保保亦聲是孚字古文从采聲與包

音義俱相近故同聲通用毛詩左氏俱古文公穀包
來左作浮來則毛詩作學者古文許引作蜀者今文
三家詩也許以蜀爲正體學爲古文通假也

毳衣如莢

糸部紉帛騅色也从糸剡聲詩曰毳衣如紉今大車紉
作莢傳云莢騅也蘆之初生者也案爾雅釋言云莢
騅也許書艸部作莢云韮之初生

韮當作韮
隸作韮

一曰騅

从艸剡聲又莢云莢或从炎蓋馬之蒼白雜毛者爲
騅莢初生似之故謂莢爲騅而帛色似騅者則爲紉
毳衣如紉謂毳衣如帛之騅色者耳莢紉音同義近
許蓋引三家詩

毳衣如璚

毛部璚以毳爲綱

毳部毳下曰獸無毛也从三毛糸部綱下曰西胡毳布也从糸綱聲

色如薺故謂之璚薺禾之赤苗也从毛苗聲

爾部苗下曰平

也从廿爾

詩曰毳衣如璚今本璚作璚傳云璚類也

釋文云璚音門說文作璚云以毳爲綱也其解此璚

云玉顏色也禾之苗赤謂之璚玉色如之案今本許

書玉部云璚玉輝色也

赤部以類爲

從玉苗聲禾之

苗赤謂之薺言璚玉色如之與此言色如薺薺禾之

赤苗也字皆作薺陸所據說文玉部作禾之苗赤謂

之璚字从禾苗聲則此色如薺薺禾之赤苗也陸所

據亦必作璚矣陸氏說文本是也璚禾之苗赤者玉